

掃

紅

亭

吟

稿

掃紅亭詩稿序

古稱大江南北詩人之數魯為聖人之鄉士大夫鳴騶北上者每來闕里觀型討論漆書竹簡摩挲漢碣秦碑弔古興懷寄諸吟詠以余喜拈聲韻問道於盲者歲時絡繹吉金良玉幾至美不勝收

然卓然傑出號為大家者亦不能數
觀也崇川馮晏海先生生秉異才早承
家學耳其名已逾十稔矣始讀所著金
石索蘿圖雀錄燭照無遺禹鼎湯盤搜
羅殆盡嗣又讀紅雪詞鏤心貯雪色豔
芙蕖嚼齒生風香濃葢蕊久知為汲古

功深之士輒以未得讀其詩為憾戊子
春先生介弟集軒明府移宰仙源先生
來游曲阜始得訂交謬引余為知己每
有新句必來相質亥豕魯魚譌疑辨難
晦明風雨箋素往還效元白詩筒故事
年來頗得嚶鳴之樂茲以掃紅亭全稿

見示問序於余余受而讀之古作縱橫
排冪閭闔九天歛磅礴於謹嚴寓超騰
於深穩近作秀麗芊綿靈心四照集越
裳之翡翠網碧海之珊瑚至樂府諸篇
取材漢魏規倣六朝宛若神龍天矯而
不可攖也天馬騰踏而不可羈也又若

威鳳翔於雲表海鶴盤於天心而不能
自隱其苞彩也非所謂性靄山川吐納
雲霧而獨窺元秘者歟且也能安靜默
不慕世榮襍被奚囊青燈白屋孜孜矻
矻日事丹鉛名士風流不受塵寰拘束
達人懷抱能與太古周旋祥徵鮒背於

椿庭采絢鳳毛於芝砌此又非賦畀純
全平居涵養而獨盡精微者歟樂記云
樂心感者其聲嘽以緩喜心感者其聲
發以散先生孝於親慈於衆友于兄弟
嘯傲怡然隨所納之無不如志故詩無
嘒殺粗厲之響有順成和動之音今之

卓然傑出號為大家者徵先生其誰與
歸

道光十年歲在上章攝提格孟夏之月
闕里孔慶鎔拜序并書

序



僕與晏海馮君契指苔岑情均膠漆蟲鳴則各齟齬馳負則蛩趨每曰翰墨之緣輒有敦槃之會君乃一編捧出四座傳觀於是橫几伸卷正襟莊誦摘華振采則義裁望讓其奮馳吐氣發聲耳則風雨瀉其會歛

瀏狀若喜泉之鳴谷粲兮如長
離之耀天羣士傾心同人袖手今所
傳掃紅亭集若干首吾竊知其
所自来矣夫干鏌之劍萬灌而稱
神蠟術之弧三年而能貫君乃以
垂髻之歲矢焯學之勤練時日而
取庶子讀春秋而知己吏升江泌之

屋月暎同清持高鳳之竿
麥漂弗顧丘上規漢魏下逮宋元
靡石心領元闕口宣雅律烏啼
冰夜嘗為攤鼻之吟雨暗蕭晨
輒唱懊儂一曲鞏長城之五字
何虞秦系偏師紛敏子以八叉
堪笑竟陵刺爝此其才學狀也
君之詩以韓昌黎李昌谷

為宗尚又數從袁簡齋蔣春農趙
味辛諸老游彼夫官闕平山疊張
芳譔長干白下雅善清歌君也探
驪於縞纒之交執耳於花裊之座
霸光賦就蔡中郎日以糗毫函塞
吟成白樂天為之罷唱由是詩律
細語硬詞雄舉歌則天將是斯刺

手則鯨牙可拔重々光燄居狀巨又
天揚耿々元精石減高軒客過此
其師法狀也北方韻學之傳山左
詩人稱最帶一經螭尾樹幟于新城
華泉滄溟騰芳於厯下盧雅兩
詳徵

昭代宗蒙象補述前朝君迺漸染

餘風別成雅調履陳思王之分邑
幾曾聞梵魚山過羊太傅之崇祠
如引法巾峴首封禪七十年代緬
齊乘以無懷環道十八盤托秦松而
矢詠日以鏗句響耳一浩蕩殘心
孫興公作年石之聲聾張道濟得
江山之助此真閱歷狀也而吾謂君

之執術則更有進者尊高密之書
夫經師俎豆宗永元之校長字學
銀擢專精則五際說窮淹博則八
能才備蟲書鳥篆如寧鍾傅千
鈞癸鼎乙尊莫論郇公五朵投文
清泗搜祖龍已失之金移檄岷江
責穆滿久沉之璧窺之金豹洵厲

巨觀砥柱凋蟲紙云未枝狀而摘重
香艷偏含冰雪之姿咀嚼宮商不損
風雲之氣魚之仲歌季舞恥添叶
乎墳篋前于後唱獨秀髭乎花
萼斜川之集堂愧玉局儂人冬
郎之詩克紹畏之負外僕也黃波面
隔塵玉懷思平一鴈帛之頻仍附

魚牋而嗶引彼太冲徵文於元晏
敢托鴻名若長慶弁首以徵之願
伸舊好而已

道光九年七月既望王書于脩武署齋
愚弟邵鳳依拙撰

自序



詩以言志在禮樂政事之上故聖人雅言之而其刪詩先國風而後雅頌意良深矣憶鷓幼時見古樂府而悅之謂其得比興體去三百篇不遠且有天地自狀音節因悉心摹擬與李子漁衫王子芸室劉子石臣邵子芝臺諸友相駸駸焉後專務舉子

業於樂府不多作惟作排律課子弟既而
遊蕪城客吳趨跨金蕉十上金陵溯洄於
秦淮秋月之間復跌宕於苔雲春波之上
與諸名士榼鼓相角酒瓢歌扇刺爝敲銅
三十年間得古近體詩不下萬首隨手棄
之閒有錄存者尚十餘帙復被友人攜去
過半予視之如敝屣耳乙亥歲集軒五弟

攝東阿篆促予來東襍被輕車凡一概簡
編均未携載由穀城入歷城旋赴崑陽酬
應塵牘韻語窠窠後長子熾熾自都門來索
予詩稿付梓始爽狀自失即郵書於次子
清泰取掃紅亭吟稿祇得二百餘首十不
存一殊堪浩歎因追詠往事補成四卷由
滋邑而膠川復返滋邑十二年餘得詩僅

六卷丁亥嘉平至曲阜獲見孔治山上公
與余有同嗜且謙光下逮出其珠玉互相
酬答日與沈君鶴坪諸友詩筭徃復於是
吟興頓加不三年得詩四卷合成十四卷
凡千八百餘首有同題作者不拘遠近以
類相及又附錄二百餘首慮其復失彙而
委諸剗剗氏焉嗟夫子自束髮以來不慕

紛華惟耽考覈書帖瞑眩所著錄者除遺
佚外計刻篆書武王銘一年而竣刻紅雪
詞三年而竣刻金索石索四年而竣茲刻
詩稿始戊子冬迄庚寅夏閱二十月而工
亦竣恐傳寫錯誤皆手自抄錄隨時增改
鄙意以闡揚忠烈表白幽微為本即對景
抒懷語少修飾亦慎守風人溫厚之訓絕

不敢萌譏刺之心不知數十年後以供覆
瓿者又何如也鐫畢述其顛末敢以質諸
大雅君子焉

道光十年端午日書於曲阜唐槐館中

崇川馮雲鵬漫識

題詞

乾隆嘉慶年間舊題

劉

伊

字莘儒號澹竺同里人乾隆申進士仕廣東鶴山等處知縣

淹博到三蒼高懷不可量
歌辭鏗漢魏樂府入齊梁
豈必乞時賞而能發古香
紅亭詩壽世金薤寫

琳瑯

胡長齡

字西庚號印渚同里人乾隆巳酉廷撰官至禮部尚書

螺書扁刺秘真形想像仙
山石骨青載酒有人問

竒字掃紅亭是草元亭

君工書篆

懊惱前溪讀曲歌，恠君何事太情多。
春鏗算雨蕭蕭夜，我亦閒愁喚奈何。

上元雨雪興味蕭然快讀君詩一過以當夜遊也

季

瓚

彌東陵同里諸生

鄉媛深闕玉局迂，燃藜太乙空蹌趨。
五百餘年耀寶笈，星精重撒虬龍珠。
毓鳳胎麟串珊骨，裁雲鏤雪肝腸紆。
曾聯高軒過長吉，愈湜欣欣同操觚。
老淹才盡已多日，何幸乃值瀛洲虞。
飲我紫琳腴，示我黃金鋪。
琅函錦幘生瓊霧，蟲魚蚪蚪開天圖。

字一句滴鮫淚使余摩挲楮眼撐碧如曼胡讀之
支頤拄齒不能下一語佻佛僊遊聚窟與蓬壺又
若野翁乍入五都市百色爛炫神模糊恍見天女
拈花欲微笑似有點頰頰后相胡盧方擷金以擲
礫如霰粒而秕苧等制鉛而守汞亦集腋以紉狐
有時驅駛霧魑走象罔有時流連芝閣摹秦蘇紫
電青霜揮武庫昭藐流眄傾城孤辯華尅隋交上
下風霆怒吼驕騏徂爾復旖旎清越幻莫測當必

浸芳杏艷榮天樞調蘇鼎頌翼厨寶蓮燈裏玉妃
君隅看支持叵羅金斗橫璣璣

李懿會

字拾珊號漁衫同里人乾隆
癸卯等科副榜銅陵縣教諭

何人刺翠印友翦紅魚油孝穆銀管湘東三峽鼓
浪五車摧鋒牋裁文錦籟叶隗桐壁應鬟唱寺合
紗籠南朝金粉江鮑餘風情詞冶曲魂銷骨鬆腸
疑竹束淚似波溶豆紅春困衫綠朝慵霜欺袖薄
露洗粧濃移宮換徵蔚為文宗詞鴻園令義古楊

雄雲瑩鏘夏月白丁冬洞闢虬戶手開蟻叢令我
心醉渙若冰融訪君月下望舒卷空莎徑半晦花
陰幾重有時着屐蕉雨冥濛茗煎顧渚酒瀉郵筒
攜手促坐青燈影中醉狎紅友狂呼碧翁睥睨蠻
觸氣吐宛虹純鈞嘯虎鐵籥吟龍綺語酷似豪情
畧同與君式好厯劫難窮枝為連理鳥是韓馮

王汝霖

字雲石號芸室同里人嘉慶辛酉進士即用知縣

日斜雲碧春長豆紅柳睇簡簡鐸叫東東眼中血

淚腸裏劍鋒菱花黯鏡玉軫拋桐聞情萬種幽恨
千叢我友晏海品供藥籠南朝逸客西崑餘風酥
搓粉滴玉軟花鬆熙臺旖旎春波沈溶嬌鳥慙轉
睡蜨輸慵懸鍼字細倒薤書濃蕙綜衆藝蔚為文
宗詞林骨雋樂府才雄歡聞警變夜坐吟冬讀曲
詰屈宛轉圓融喁喁爾爾色色空空伊余嗜佛貝
葉重重洞觀障礙勘破迷蒙偶開文軸頓展蕉筒
君真八斗我亦三中晨邀花友春訪鷺翁詞芬浣

露筆引長虹雄心擁虎絕調吟龍箠曾物物畧從
同同艷才若此雲路焉窮君當御李漢不老馮用自

題掃紅亭
銘原韻

蔡元春

號芷衫江寧人貢生

詩將花作骨人以氣凌雲訪我忘其老知君久有
聞早稱才八斗况照月三分時客維揚餘技尚如此雄
文定出羣

喬普

號雲客如皋縣優貢生霍山縣教諭

絕代風情軼世才
掃紅亭子面城開
等閒一管生花筆
曾濯雙流續水來

溫柔綺麗茁情苗
樂府新翻自六朝
一字清圓珠一顆
聲聲倚入玉人簫

年來藝苑半榛蕪
顛倒天吳紫鳳圖
何似瑤函呈古藜
揭開龍檢洒金壺

帶結千花染露新
天然著手捻成春
閒情不礙心冰雪
從此冬郎有替人

汪桂林

號半江如臯
縣人庠生

大樹風高邁等倫
擣辭染翰搃生新
千峰雲起詩
中畫五色花開筆底春
金石臨摹堪壽世

時刻武
王銘篆

帖三十七
體告成

魚龍驅使自驚人
江南江北多奇士
爭

向紅亭步後塵

陳寶

號雪樓海門
鄉人庠生

形形色色似無形
洗盡繁華眼界青
一代風騷扶
大雅五山惟有掃紅亭

瑤編最愛短長歌盼望亭中寄興多東海探奇情

益壯聲名從此駕三何

時客蠟山

步胡印渚先生韻

楊

鑄

號石縣鎮江丹徒人國學生

酒懷詩境搃孤清一片秋聲出性情讀到夜涼吹
笛句不禁低首謝宣城

紅葉青山舊酒樓尊前酣飲復搔頭預愁它日相
思苦共此長江一水流

董存誠

號寄梅湖州烏程人庠生

江南詞客入吳興
頓使衰顏逸興增
白晝同遊宵
索句一簾紅
兩翦青燈

刻翠裁紅性所耽
一編傳誦靜中參
眼前景物歸
陶寫絕世風神
擬劍南

以外題咏尚多
日久失去抄本
未能備錄

題詞

道光元年以後新題

孔冶山上公

名慶鏞字陶甫襲衍聖公

島瘦郊寒莫與論
江南才子擅陽春
一編心血尋章苦
百鍊工夫摘句新
詞藻古同三代器
風花濃比六朝人
吟壇主帥誰能敵
大樹將軍筆有神

孔伯海儲公

名繁灝字文淵賜二品冠服

通州詞客本才奇
老去聲名到處知
未免青燈縈別恨
更拈紅豆寫相思

著有紅雪詞行世

搜羅彞鼎窮三

代摩倣鶯花擅一時魯國近來傳盛事紛紛爭誦

野王詩

許鴻磐

字漸遠號雲嶠山東濟寧州人乾隆辛丑進士歷任江南壽州泗州

余嘗作七言長歌題晏海金石索晏海以
三江全韻詩贈余今讀其掃紅亭集亦用
二十一馬全韻作五言詩報之

淮海出俊又匿秀尚在野讀書窺千函几案羅縑
褚嘗著金石索結習等癡癡別著紅雪詞風韻邁

賀若詩更包諸有擬屋堪稱庠維揚號多才風雨
聯吟社近為齊魯遊聲氣益開閭望既重南邦名
復馳東夏有時笑拈花有時口銜竿時熟龍腦香
時煮通犀鉢檀几拂銀濤松煙研銅瓦對景逸興
飛觸物墨瀟灑或擬古別離毫端秋思惹或做畔
牢愁行間笑口啣或作弔古篇風煙供淘瀉或為
體物吟草木增嬌托或當白酒釀或值紅燈炮玉
笛倚雪兒綺詞媚妯娌肖物惟化工萬象歸鑪冶

完美須人為微疵悉鑿呂力大昔退之才高今白
也清艷揖庾徐開張走姚賈調古知者希曲高和
彌寡歌哭動鬼神抨彈任譏髀君既淹青瑣嗟余
亦窮者潦倒困風塵俛仰託聊且狂態鷲俗眸所
如動斥屨一歌行路難噩夢忤宜赫頹唐賦歸來
頓使塵念捨既已居無廬敢怨食無鮓尚餘數卷
書所志在風雅便腹非孝先大才豈袁嘏黽勉追
古人如檮搢大厦每嘒詩義衰情漓貌亦假頗似

剪綵花獺祭誚搨
奢艷粉塗陋質錦袴覆泥踝規
矩借昔賢才于爭跽
跼音節溷巴人淫哇競謹謾
艱澀已苦吃波裂復病疥
喜得掃紅集璫瑤重盈
把睹之目為瞿誦之口為哆
繹之如抽絲循之若
轉輒譬諸選羣材於君得美
檀脩榦挺百尺榛櫟
盡卑下譬諸選羣牧於君得
天馬昂首時一鳴駕
駘盡瘖啞所恨篇什多不獲
親手寫蕪辭綴瑤編
無乃增我魏特記題詩年淵
獻注爾疋

題詞

李

蘊

號青橋直隸景州人嘉慶辛酉科舉人泗水縣知縣

海濱遺古鶴顧盼若為雄
培翼千年雪流音萬里
風任憑角門戶自不受樊籠
祇有縑山頂聆之月
夜中

墜緒慨茫茫精心擬樂章
太音希漢魏逸韻統齊
梁班女宮中扇羅敷陌上桑
風琴和雅管細為譜
宮商

乙乙引心絲無師若有師
鬼才多李賀佛語少王

維薛荔肩披處芙蓉手把時
蒼茫塵境外獨立撚吟髭

強挽千鈞弩精鎔百鍊金
性情真獨至迹象渺難尋
名士迤邐意美人遲暮心
千秋應待後可許是知音

劉宇昌

號次垣四川璧山縣人嘉慶己卯進士嶧縣知縣

清福文名天靳與儘教恣
取付先生紅亭詩集千餘首
欲共船山見性情

詩有天趣似吾鄉張船山先生

聖卿循績冠同官伯氏聯吟古調彈眼底浮華都
掃盡獨支仙骨玉珊珊

顧紹先

號山歌蘇州人軍功議叙直隸州任山東膠州知州

仙才竒氣識同鄉樂府歌辭夙擅場一闕琵琶天
籟起居然風格邁齊梁

吟成佳句必驚人拔幟詞壇耳目新跌宕江山好
風月世間難得此閒身

豪情無限復柔情旖旎風懷觸緒生一手馱擎雙

管下長卿而外又飛卿

棣萼交輝興不孤
壘麓唱和笑齊筭
三間官廨東西屋
好畫聯吟聽雨圖

介亭懷古見真筌
添得囊中詩百篇
笑我十年磨盾鼻
讓君杼寫筆如椽

秦碑漢鼎土花青
響搦流傳腕不停
夜氣如虹時貫月
問竒應識掃紅亭

兄舊有篆刻武王銘石搦行于世近又以新輯金石

索見貽其精棟在傳古畫之上

謝應選

號友亭貴州貴筑人軍功議叙寧陽縣知縣

隔歲仰鴻名於茲始識荆文章
誇軾轍風雅重公卿好古逢洙泗
聯吟有弟兄仙源今日到之以慰平生

惠我鄉媛讀翩翩致出羣
自能吞五嶽誰敢鬥三軍
雅奏平戎曲成風大匠斤全函
如拜賜當共佛

香薰

時尚未見全編

薛

侶

字荊州號麋齋山東樂陵縣拔貢生名試二等兗州府學教授

蕃薇宵浣手展卷眼波明節奏諧金石風華見性情
咀含三篋液點綴六朝英老去詩雄健騷壇讓
主盟

胡銑元

號升岩山東膠州人嘉慶
戊午舉人兗州府學訓導

元音不作詩失旨衆響紛紛誰與是先生天賦風
雅才豈獨文章溯緣始漢魏樂府六朝詩三唐而
後不屑擬凡將爰歷掇其英洒筆萬言成一子炳
炳麟麟天廟器光怪陸離映庭祀金石鑽研秦漢

前時有古香生腕底登山臨水興何窮唾手成篇
叶宮徵乃知節奏本自然前賢莫由誘後起循聲
匪難繪聲難天籟只在空虛裡

陳貽發

號育村山東濟寧州人嘉慶甲子舉人滋陽縣學教諭

江南號多才君更難步武腹笥本便便至性復嗜
古古器盡摩抄漫云辨石鼓斷碣與殘碑徃徃剔
塵土考據徵博聞臨摹兼訓詁篆隸入周秦聲名
動齊魯今讀紅亭詩更覺神飛舞氣盛短長宜騷

壇爭李杜犇騰江漢來噴薄雲煙吐巧思發心花
天孫織綸組人謂錦囊多我歎良工苦生平獨會
心尤在擬樂府上聲叶清商愔愔諧搏拊魏晉齊
梁間神明出規矩汲古綆益修淵然恣所取元白
好風情乃其餘勇賈持贈慙里言笑弄班門斧

又

我亦攻詩癖君誠擅絕吟渾然歸化境渺爾雜仙
心芳與梅花嚼幽將鳥道尋鉛刀真自愧肯否度

金鍼

孫崇垣

號星舫山東博山人廩貢生滋陽縣學訓導

歲月無冬夏手披書一編學多文自富才大力逾

堅慷慨追前喆殷勤誘後賢

時掌東魯書院教門墻稱盛

錦囊

佳咏在爭寫浣花牋

吾鄉趙秋谷逸響此同宣放眼青蓮閣論心駐鶴

軒神清多灑落誼好藉纏綿

令嗣南垞中翰與家康甫三兄同乙酉科

企望鑄黎棗聲華萬里傳

周

瑤

字左池號讓甫同里優貢生
英殿校錄仕貴州麻哈州吏目 武

導我唵懷四十年於今蹤跡各紛然眼前山水驪

竒句夢裡鶯花繫舊緣好古竟成金石府多情難

補別離天迢迢南北長相憶詩境千秋仰岱巔

時甲

申歲杪由都中至沈
將赴黔中兼以留別

蔣兆鶚

號卓書蘇州人
候選州吏目

三間參厯各西東
皓鳳樓才屬大馮
讀未見書竒
更好得驚人句
老逾工閒尋金石
耽澗白偶寫臙

脂賦比紅

君有篆帖及紅雪詞行世

我向南樓曾縱目
辦香知

在浣花翁

陸詒瘦

號寶研蘇州人庠生

竒才的的邁羣倫
不是星英是列真
韓李之間增

一席

古詩酷似昌黎昌谷

齊梁以上有斯人
崇川文運鍾靈

秀大樹家聲更炳麟
却喜對牀風雨夕
棗華香爍

筆花新

一枝斑管羨君持
垂露懸針任意施

君工書古篆一百二十種

沆水煙波供潑墨
艾山風月助吟詩
分明天外昂
藏志寫出人間
跌宕詞我欲辦香
稱弟子怎教立

雪不多時

時在睢川未
久即返滋陽

李周南

號靜齋揚州人嘉慶丁卯
舉人甲戌進士刑部主事

古色斑斕發古香
多情渾不讓冬郎
壘篋譜出天

倫樂

集軒
同年

弓冶傳將世澤長

子朗
中翰

家學淵源承道

濟

宋時馮諱極
公文章名世

寓公風雅嗣漁洋

謂山左
諸作

廉夫已

逝知音少展卷懷人意轉傷

毛松齡

號子喬淮安人嘉慶丁卯舉人候選教諭

壯遊山左閱年時名筆應同李杜垂泰岱琅琊登

覽徧更搜金石補秦碑

秦泰山石刻止存十字兄為集補全文

一門著作竝超倫鉅手常扶大雅輪樂府新篇無限意如君豈僅是詩人

張性梓

號文麓山東滋陽人嘉慶戊辰舉人

五山萃律雄天關山在海氣江雲間雪濤嵐翠互
吞吐靈淑徃徃生謫仙仙人高乘大風下步武青

蓮氣蕭灑

君極嗜李太白詩建青蓮閣其歌行亦絕似之

元精耿耿光熊

熊偶然游戲成風雅憶昔曾披金石文歐趙以下
無此人土花銅繡日剖剔麟角鳳羽相鮮新又讀
雅令霏紅雪兒女英雄並竒絕哀感誰彈嶧陽桐
丁當欲擊蕤賓鐵古澤艷情便腹藏斑斕五色生
文章疆宇無復界唐宋宛轉直堪駕齊梁可知源
深流不竭大樹蟠根自發越紫琅璀璨江海清光
燄萬丈無時歇

張庭瑜

字亮來山東滋陽人嘉慶
癸酉優貢生八旗教習

化助甘棠蔭風高大樹亭勵清鬚漸白嗜古簡垂
青書味填胸滿詞章脫口馨道行東郡久得拜馬
融庭

立雪到程門高瞻雅度存丰姿同玉潤笑語溢春
温敢慕韋蘇什親邀李杜樽數年沾化雨相慰話
朝昏

縱有詞章士伊誰擬大家雄才矜吐鳳閱世笑塗

鴉已歷肱三折何難手八义開函頻往復搆取興

彌加

膝下重蘭譜

令嗣子朗兄與瑜及先兄桂係優拔同譜又與十弟樺為同年進士堂

前富竹編清詞真似水好句更如仙化到從無跡
神來不落詮獨存風雅意貞女有新篇

恬澹避浮名吟詩老更精三唐高格律六代古風
情境亦由心闢春教觸手生千篇看不厭雲錦自

然成

敢矜流覽疾披讀一宵中室遠煙生白亭高葉掃
紅清寒誰識孟大小艷稱馮稍盡從遊意題詩愧
未工

保

發

字萬育號少柏
同里人國學生

家學雲仙派雄文定風因叨逢橫槩手欣伴運斤
人燭剪千回讀詩隨四序新掃紅亭正豔大樹欲
長春

同作瑕邱客騷壇指示多南針君引導北面我蹉

陀古藻傳彛鼎新聲寄薜蘿少陵臺在望相對放
長歌

冷

烜

字雲岳號芸藹直隸大興人歲貢生

吾識先生始自嘉慶歲丙子幸比侯芭時從問竒
字難弟明府亦愛我招飲數為筵開綺今年入日
復舉觴言我豪興如渴羌枉臨直擬同車載羸疾
還分北地羊侍坐稍久姑請聞贄詩敢冀邀垂盼
明朝走謝急攝衣忽得傳心香一瓣仰見先生之

設科宏獎俯延不忍苛疊疊移時奉清誨和氣尤
比春風和乃許初知識門徑家珍不悞相投贈掃
紅亭集親奉歸拳拳服膺折如磬歸來展讀忘朝
昏只愁無處窺籬藩卷裏時驚見霧氣十采五光
不足言試問斯文誰能識欲索解人恐難得漢魏
以下數名家恣是尋常一丸墨先生好古精攷稽
歌行樂府窮端倪篆籀分隸入神品得來應自古
浮提浮提遠溯周靈久金壺墨落先生手殘汁餘

膏渚馬多再拜陳辭日翹首乾坤清秘歸陶冶攫
取疑有天龍下茆齋豈合容久藏送歸鞠臆陳三
雅

曾傳薪

號謙山湖南衡山縣人嘉慶甲子舉人署滋陽縣知縣

漢魏詩人操正聲鏤金錯采已相輕一家言立同
功德集中多表揚忠孝貞烈詩三百篇多只性情盡力探源風
雅頌何心別派宋元明紅亭詩出空千古流播寰
區有定評

孔憲圭

字玉川號鎮齋曲阜人恩貢生四氏學教授候選知縣

弟宰仙源化雨深怡怡情味入君吟十竒屢和軍
民句三考難憑黜陟心庭草蕭蕭看網雀棣華韡
韡聽鳴琴一編妙詠光梨棗夏鼎秦碑共古今

鄭

澍

號時亭滋陽人廩貢生四氏學教授候選知縣

仙源遊歷有同緣我去君來隔數年古蹟每邀名
士訪新聲合讓好詩傳編珠排貝千篇麗跼鳳瑤
龍五色宣題贈數言欣附驥崑峯依戀故情牽

鄭

藻

號春華滋陽人嘉慶癸酉科舉人

幽居鎮日對桑麻
快讀新編逸興加
過眼繁華皆是幻
等身著作已名家
每從彞鼎窺三代
豈獨辭章富五車
我踏西山望東海
掃紅亭上蔚雲霞

沈宗約

號鶴坪太倉州人廩貢生候選儒學訓導

談經說史老逾工
自是前身玉局翁
足躡雲煙登岱頂
手題詩句滿寰中
高懷最近東西晉
名士交推大小馮
我亦苦吟三十載
待君評泊剪燈紅

絕世才華絕世姿淋漓墨瀋寫烏絲論文自出新
機杼博物閒搜古鼎彝花落琴床春聽曲香生箏
柱夜填詞駑駘敢並飛黃駕合向騷壇禮導師

薔薇盥手異香薰一卷瑤華誦夜分金粉言情徐
孝穆江湖載酒杜司勳買山佳約何年共題扇才

名外國聞

暹羅貢使握不突過境先生
酬以詩扇彼國人爭求之

著述互商

千載事任他餘子自紛紛

狂歌逸氣滿乾坤萬里鯨波筆下奔任俠未除才

子習工詩休與俗人論
篆摹响屐淵源古句入華
嚴法界尊集中有採及釋典處
記取三間官廨裡坐聆玉屑
倒金樽

汪培基

號博堂鎮洋人庠生至聖廟司樂

相逢傾蓋得言懽
文字緣深識二難
何幸拋瓢能引玉
大蘇筆底誦翻瀾

渺渺春江別緒侵
桃花潭水寄情深
眼前指點驚人句
月露新篇仔細吟

時將旋里蒙贈詩有佳客詩篇月露中句

于步雲

字得青號竹西
金壇人庠生

十載心相契仙源快識君襟懷同霽月身世等閒
雲篆擲秦碑字經探魯壁文名山勤著述援筆掃
千軍

大小馮君到清才羨野王池塘春得句風雨夜聯
牀荆茂田家樹壩和宓子琴霸椿垂福蔭萊彩共
輝煌

時為太翁預
慶九十壽

階下芝蘭秀吹來次第香文章窺秘閣聲價重宮

牆韋相傳經遠蘇公種德長他年看奮翮相與拜
宜鄉

示我琳琅什竒君不世才詞因蘭氣吐花向棗心
開珠玉隨風落雲霞稱意裁挑燈三復罷俯首重
低徊

蕭

烜

字朗若號鷺汀登州人
拔貢生曲阜縣學教諭

瑟瑟西風綻菊天挑燈快讀掃紅編詩傳畫意清
如許知是維摩靜裡緣

百篇樂府逼齊梁長短歌行入盛唐江左才人山
左客風騷那不擅詞場

周秦篆隸早馳聲為琢詞章老益精俊逸清新兼
絕技幾曾書法掩詩名

贏得花生筆底春每於起落見精神先生移我情
深處可許鍾期是解人

陳搢廷

字坤南浙海寧州人廩生至聖廟管勾廳

聚首仙源水上萍新詩編刻掃紅亭卿雲見處呈

天瑞甘露灑時紀地靈

集中有卿雲見甘露降諸作先文勤公修聖廟時曾

有卿雲麒麟二頌志書未收今承錄刻

游歷漸成雙鬢白夢魂猶統

萬山青近來我正耽吟咏數語留題墨亦馨

李聯壇

字佑庭號杏坪濟寧州人嘉慶甲子科舉人

喜從舊誼結新知

集軒年伯與先君辛未同譜

大樹風高衆所

師博古曾題雙冊

家傳商雙冊首承題刻金索中

探竒細拓武

梁碑

漢武梁石室在嘉祥武宅山

掃紅亭畔春來處太白樓頭

月照時寫盡山川數千里不須更讀輞川詩

徐宗幹

字伯楨號樹人同里人嘉慶
己卯庚辰聯捷泰安縣知縣

芍藥千篇玉琢成紅亭樂府久傳名才奇自出新
機杼格老還歸古法程金石參稽光錯落湖山憑
眺氣縱橫即今岱嶽留題處廿首詩聽擲地聲

張學誠

號存齋滋陽人太
學生候選府經歷

數載裒成大集全及門快睹已爭先神遊智水仁
山裡道在光風霽月邊題到忠貞詩似史吟成花
鳥句如仙騷壇更闢新奇境請兩篇同喜兩篇

孔廣權

字季衡號蕪浦曲阜人
恩貢生候選州判

君家北海古詩紀百五十卷歎觀止君今寢食於
其中恠底歌謠清若此有時險語效長吉鬼斧神
工駭聽視不着字處見精華鉅腎鏤肝發衆美有
時綺語學玉谿刻劃情天森壁壘無題箋注幾人
知寓言託意求其是寫翠傳紅慣恨生妃黃儷白
甘情死濁世於今善變遷風人自古無終始我亦
逢場每淚流長吟短歌曷能已工拙憑人寄性靈

揣摩不肯求形似讀罷離騷盡一觴脫巾漉酒真
知己君不見薛生生白掃葉庵大笑掃雪誇指南
又不見吾友秋平掃垢山獨闢生面留人間讀君
新詩難釋手開心如遇掃愁帚一唱三歎喜且悲
四始六義無不有鏤金錯采工言情千秋又見掃
紅亭

顧本立

號蕤勺蘇州府長
洲縣人廩監生

掃紅亭集珠玉笥魏晉歌行鐘鼎字及身著作定

千秋餘者皆非先生志雲璈戛擊奏鈞天和聲鳴
盛被管絃延年益壽日有意漢瓦漢鏡銘俱傳我
喜欲狂受而讀日晷西移繼以燭正如驟得古樽
罍百遍摩挲猶未足公有巖親髮如銀連閏數之
百歲人公有介弟宰東魯瑕邱闡里民歌舞嗣君
博學登瀛早內閣揚名盛文藻公今羈跡古雲門
唐槐館近鐵山園上公倚重聯吟詠花晨月夕酬
清樽賤子別公今四載讀詩如親舊丰采宇內文

章有幾人仙源深處文章海自愧依人年復年感
君惠寄瓊瑤篇集中有戊子年
午日寄懷詩把卷追思重太息
萍踪浪影同飛煙亭外亂紅君莫掃子孫世世永
相保

顏崇東

字青甲號霽堂山東曲阜人嘉慶辛酉科舉人

無句不和平元音蘊太清古人不可作今乃見先
生文字披金石山川寫性情仙才兼史筆餘緒擅

詩名

又題 集社詩四首

詩是吾家事

日宗武生

多慙鮑升知

校過故斛斯書莊

寸長

堪繾綣

贈特進汝南王

此道未磷淄

慕春江陵

苦負平生志

夢李 都非少壯時

自惜

論文或不媿

范二負外

烏几

伴棲遲

移居公安

垂白馮唐老

垂白

蒼茫興有神

上韋左相

范雲堪結

友別張十王翰願為鄰

上韋左丞

俗態猶猜忌

秦州見勅

目 虛情任屈伸

贈王二十四侍御

賦詩新句穩

長吟

足以

靜風塵

安西兵過

踈嬾為名誤

寄張十山人

情親獨有君

懷舊

平生心已

折地隅

老去恨空聞

觀山水圖

靜者心多妙

寄張十

飄然思不羣

春日懷李白

狂歌遇形勝

陪王侍御

隨意顛

頭雲

南楚

詞賦工無益

陪鄭廣文

榮枯雨露偏

寄岳州賈司馬

無才遂

仙隱

咏麋

有跡負前賢

迴棹

把酒宜深酌

敝廬遣興

將詩莫浪傳

泛江作

情深見君意

夢李白

不敢墜周旋

秋日夔府

顏懷珠

號丹泉曲阜人嘉慶庚申科舉人河南盧氏縣知縣

彩筆心花取次開
掃紅亭子是蓬萊
琪花瑤草歸吟咏
淮海東南一異才

古味淵然似柳韓
慣探石泐與金寒
焚香快讀詩千首
夏鼎商彝一例看

齊梁樂府漢歌行
幾許詩人舊有名
着意詞壇三十載
甘將牛耳屬先生

到處登臨逸興長
收將好景入詩囊
漁洋不作山
蘊沒若個相於一瓣香

麟角牛毛識者誰
昌黎白眼笑羣兒
題詞不作過
情語我亦三生杜牧之

孔昭任

字仁甫號芝耘嘉慶癸酉拔貢士子科舉人

家聲西漢舊流芳
博士通詩說野王
住近六朝金粉地
吟餘九畹蕙蘭香
探竒慣蠟遊山屐
得句時投古錦囊
遙羨掃紅亭子好
紫琅當戶鬱青蒼

孔昭薰

字惠如號琴南曲阜人嘉慶癸酉科舉人臨邑縣學訓導

一室餘詩卷生平獨苦吟青蓮天下士白傳古今
心顧曲鶯花麗衡文冰雪深紅亭吟稿在典雅耐
探尋

追隨十五載摯誼早論交結契嗜金石言懽投漆
膠調高空外領律細靜中敲幸得刊梨棗斯編久
樂鈔

向日瑕邱客今成魯阜游香分金鎖闥光映玉虹

樓考棟搜陳迹披吟理舊愁等身觀著述即此已
千秋

老鶴精神健閒雲任卷舒
樓鞋桐帽裏珠柱玉杯
餘句匪人能道詩多手自書
綬藤吟舫靜展讀快
何如

桂顯訖

號樸堂曲阜人廩膳生

所好惟金石摩挲幾歷年
瓦當文字古鐘鼎土花

鮮學富三倉日書成二索編

夫子著有金石二索行世

客囊羞

澁久猶覓打碑錢

風雅詞人擅應知別具腸搜羅經過眼題咏盡成
章賦就名爭艷吟來句有香廿年遊歷處詩稿滿

巾箱

積善真餘慶禎祥萃一門仁人徵壽考

時太老師
年登九十

厚德報兒孫

長君南垞
乙丙聯捷

秋月襟懷朗春風笑語溫

爭衡三代上古道喜猶存

知遇原無定由來衆不同一堂沾化雨十載坐春

風路阻青雲外愁添白髮中
氈氈身似鶴不舞愧
羊公

衛肇榮

號幼桓山西洪洞縣人道
光壬午科舉人內閣中書

掃紅亭上百花香日對良朋細品量
吳越游來更
齊魯繪將天地入詩囊

我從西晉客山東問字頻來絳帳中
漫詡秋香能
折桂祇緣日久坐春風

齊梁樂府短長歌唐律重諧逸韻多
讀到更深難

釋手幾回夢裡尚吟哦

玉樹庭前蔚

國華詞章炳煥已傳家

南垞世長亦工詩翰

叨陪並入中書省待詠翻階紅藥花

孔慶鈺

字敬持號菊農曲阜人道光乙酉科舉人

頻年問字拜琴堂附尾曾陪驥子行

謂南垞同年

兄自

經生弟儒吏春風我並列門牆

千秋業在貞金石萬首詩傳壽棗梨絕調特翻新

樂府騷壇端與古人齊

賦酒評花春復春
掃紅亭上老詞人
吳趨燈舫秦淮月
喚醒繁華夢裡身

金焦憑眺大江還
觀海東來更看山
泰岱峰頭見
初日風吹竒句落雲間

勝地都教杖履經
荒祠廢塚訪零星
殘碑集字酬
名蹟豈獨懷人海右亭

漢鼎周戈晉代孰
更題名印續前賢
畫圖多少竊
人句一例收
登錦繡編

先生每題畫冊必錄
舊題名作以防散失

秋草春花細品量
梅癯荷淨桂蘭香
高人更有東籬興
吟菊詩成二百章

絕域竒聞搜地志
又將夷語證華言
鏡歌譜出平戎曲
盼到征人返玉門

芳躅流傳忍竟磨
耳聞目見費吟哦
百年事實歸詩史
留得忠貞孝義多

高堂邇日近期頤
名世還添壽世詞
天為詩人助清福
讓將薇閣與麟兒

孔慶鋤

字崇禮號誠甫曲阜人道光戊子科舉人

掃紅亭上老詩人筆補天工浩氣伸金石書成文
自古珠璣詞好墨長新千言脫手真無敵萬卷羅
胸信有神漫道吟哦等閒事羨他黎棗亦生春

樂府標題舊有名採蓮折柳若為情竒文蒐討存
周漢史筆森巖著孝貞已是箕裘付宗武何妨韋
布老羅橫劇憐金粉飄零甚幾卷分明聽鳳聲
芒屨竹杖錦囊隨到處頻題絕妙辭江挾金焦濤

作雪山登泰岱日如箕攀蘿每慣尋遺蹟別薛時
還讀斷碑恠底詩多奇氣在南樓嘗拜少陵祠
幾年請業過琴堂親接先生杖履旁青眼未能忘
下士白頭時艷說江鄉才踈喜得金鍼度技拙還
期玉尺量手把一編心嚮往驚人藻思豈尋常

沈季恒

字子貞號月坡山陰
人大興縣國學生

踪跡何堪類轉蓬年來處處感途窮
鶉衣聊自悲原憲絳帳深慚侍馬融
敢異時流推國士却於今

是言

日拜詞宗殷勤示我元珠在苑店留題句未工

將時

赴東昌道
經曲阜

風流儒雅此傳經折角林宗見典型夾袋收餘葑

菲採

舊作續無雙譜
詩承附入集中

錦囊刊處簡編馨即應杖履

常相待巨耐輪蹄未許停無恠才人齊俛首瓣香

合讓掃紅亭

題詞

道光十二年以後續入

阮亨

字仲嘉號梅叔儀徵縣人嘉慶戊寅副貢生

詩才李杜溯淵源大樹家聲世共尊
吏治已襄花縣久吟懷又向杏壇論
商周金石多陳几齊魯人文半及門
它日掃紅亭上過一簾踈雨話清樽

陳逢衡

字穆堂揚州人增生

蒼梧渺渺洞庭深
柳暗花明未易尋
香象羚羊空外跡
青天碧海悟來心
神都欲出誰知味
妙不能

言在寫音解得非絃非指意敢勞君手度金鍼

張恩溥

字石澗號仙浦嘉祥縣人初名
潁嘉慶癸酉拔貢己卯科舉人

一病經年韻不拈春來猶怯曉風尖日長細讀紅
亭稿滿院桐花不捲簾

齊梁逸響續千年綺麗重翻樂府篇試按新聲調
玉律鳳皇飛出七條絃

歌行豪放擬韓潮筆掃千軍五嶽搖題到劍關圖

畫裏忽將鐵笛換瓊簫

集中題明皇幸蜀
笛長歌絕似元白

南上金焦北岱宗
艾山姑水徧遊踪
怪來詩格高如許
曾踏雲煙幾萬重

心情簡樸老癯仙
儷綠俳紅六十年
人自孤高詩自艷
梅花清極不妨妍

徐宗幹

見前

余不善詩善讀詩
讀君之詩學且思
學其章句思其意
瓊瑤在手不忍離
簿書俗吏翰墨廢
安得日聳吟肩隨
八景四山咏就正
君顏怡請業從茲
起

開卷樂章金石聲秦漢而下不足擬海之航兮山之梯吟懷浩浩和天倪太白載酒樓工部浣花溪短句落紙粲珠玉長篇掃筆為虹霓初日芙蓉花映竹掃紅亭集編摩熟願將秦岱諸峯縮一一羅

致詩人目

此丙戌七月和韻續題詩在崗山道中寄至者今檢出補錄

丁宗洛

字正叔號瑤泉廣東海康縣人嘉慶戊辰思科北榜舉人濟寧州州同

雞壇到處多雅誼飲酒賦詩當免戲人道米奠善臨書誰羨揚雄識奇字識字何以辨後先鐘鼎而

外秦斤權漢人踵事製益廣真贋相雜口難宣我
友晏海性嗜古自言弱歲能摩撫精神恒與日月
深箱篋鬱作圖書府剡苔剔蘚不辭勞千金贖買
興復豪商量珊瑚網珠船外別具董史嚴霜毫一一
剪裁歸尺幅手敏心竅不徒目為求必得以索名
勝似前人金石錄君編金石索俱手自臨摹真本
不假工匠故書法在金石錄諸
上書之發其緒餘為詠歌掃紅亭畔如寬邁考訂半
兼表彰義玉溪風格洵足多我少與君有同癖漸

老猶是以耳食讀古方嗟口有箝諧今更笑胸無
墨君曾為我辨源流又復遺贈琳與璆十年始幸
齏嘗鼎况味深於鯖五侯洛與君十年前相晤至是始以各種全書見贈
君名已足垂不朽可能附驥千里否每展一編歌
一回且浮大白郊到酉

王

偁

字孟揚號曉堂直隸大名府附貢生議叙從九

琅山嗣響振高風一瓣心香大小馮要與古人爭
格律名傳十四卷詩中

侯芭門外許登壇全豹文章得止觀後九家同前
七子一時俯首讓郎官

熙世工詩得壽機况兼金石論精微粗才敢信傳
衣鉢預為先生祝古稀

吟情廿載愧窮工道在崇川仰古風欲作書亭司
墨隸編詩替掃落花紅

閨雅題詞

熊

璉

字澹仙一號茹雪山人如
臯人著有澹仙詩集詩話

文心水潔彩筆花紅春藏苑裏日麗亭東揮以慧
劍挾以詞鋒千尋倚竹百尺裁桐簾波月漾燈影
紗籠侵窓蕉雨掃榻松風丹霞燦燦錦浪溶溶黃
鸝語倦紫燕飛慵茶浮瓊碧酒映盃濃衫輕帶緩
步健神鬆嘉賓哲士契友詞宗騷壇角朧文陣爭
雄薔薇露浣月桂香融芝蘭遶膝玉樹凌空雪留

長夏梅占三冬女
蘿不翦芳草成叢
編籬幾曲疊石千重
神馳瀛海思入冥濛
雲英錦字霧塔筠筒
遊僊枕上蝴蝶夢中
攜垂髻子侍白髮翁
情隨景曷樂與人同
詞霏艷雪氣吐長虹
飛摩鷗鷲騰化蛟龍
絃誦不輟佳興無窮
鄉媛異士紫琅大馮

自用

題掃紅亭
銘原韻

李

華

字澹卿一號平山女史揚州人歸徐芑園著有詩詞集

庾鮑才華李杜詩耳
名不記幾多時
昨宵寄到驪

人句真面廬山始見之

休論濃淡與清竒信手拈來面面宜若使全編付
梨棗後入模範復何疑

歸懋儀

號佩珊昭文縣人適庠
生李定軒著有詩集

掃紅亭上拂煙蘿宛轉吟成子夜歌南國湖山供
點染東山雲月幾消磨曾題白壁揚貞女也把丹
心表智娥集中有貞女篇
智娥行極古雅閨閣頓教生氣象悅人
詩句感人多